

存復齊文集

存復齋文集卷之七

元征東儒學提舉睢水朱德潤澤民著

曾孫夏重編

賜進士湖廣按察使東吳項璉彥輝校正

贊跋

李伯時二疏圖贊

妙哉龍眠儀彼公卿圖餞二疏還歸其鄉漢嗣中衰
誰其曾孫霍也無術宣也少恩匪躬之節孰不君親
位高愛博謗生禍臻弗有退也胡知其榮南金帝錫
車蓋幢旌進則師傅退則士子我採我親來借并美
伏覩明仁殿書舜歌南風詩賜功德副使臣

小臣朱德淵拜手稽首贊曰

於昭聖皇奎文玉章宸思睿造鳳蕭龍驤南風之詩
嗣舜重光克念克敬盡美大韶書賜臣旦俾示在朝
有協皇猷庶事孔昭解慍昇財用康乂民民懷而欣
若時南薰凡我臣子欽哉聖文

湯先生碧山圖贊

碧山隆隆有吳之墟松柏歲晚草樹春敷流泉噴薄
浮雲捲舒肝脾太古抱質凝秀如行之端方并之茂
茂聖仲尼比仁者壽

丁晉公畫像贊

溫清以喻形堅而癯其遇也泰亦華也也

布襦其榮也刻玉天書其悴也禪悅道腴方其玉堂
中書不知為岷雷通之感遠及其一紀之紆然後知否
泰交極而反覆天道之盈虛者乎

太極圖贊

道原於天無極太極陽奇陰偶聖用作易惟子周子
厥圖是寃象帝之先無聲無臭三材既立人稟獨秀
有物有則厥備在懋萬理一貫惟心之靈秉彝好德
罔或不承仁焉生物隨類賦形稟異欲茲克復惟誠
天高地下嶽峙川流希賢作繪用贊大猷

韓克莊侍郎賀蘭山圖贊

賀蘭之山大河之西毓秀孕靈涵發天機我韓大夫

風雲之姿江湖氣誼月露襟期材為國植學則民師
用作斯圖品物象儀

貞觀西域圖贊

惟王建國辨方正位內撫中夏外綏四裔在唐貞觀
房杜迭用遠夷來庭西域效貢乃命梓人圖肖其形
記彼風土方物攸呈自茲迄今八百餘祀宏美大元
覆天無際懷柔百蠻莫不來王小共大共梯海航東
盡玄菟西逾越裳南金柁矢象齒琳琅皆效貢職今
入王賦昔為外臣今則內附聲教所被遠邁漢唐儒
臣奉職翰墨流芳觀畫思古文物至今萬方一統萬
世一心藻繪大猷金石奚堅黼黻丹青帝袞萬年

雪鍾馗圖贊

天同雲雪紛紛款鍾馗降福神辟百邪靜乾坤屢豐
年樂爲民

吳仲常太守德政碑贊

封建既遠列郡置牧漢稱罷黃文翁興蜀教民耕桑
衣食用足愛脩禮義用厚風俗衍衍吳侯古訓是勗
恕以容衆勤以惜陰不苛不猛不驕不祿豈弟君子
實獲我心

跋蘇武還漢圖

蘇子卿杖大節歸漢葉水心謂馬後寘駒所以官至
典屬國德潤觀古考績功疑惟重惜乎漢不如古

跋王儀伯尚書窠石

可以冥之巖壑可以用之巖廊其將接風雲薄日月
又奚必問其枯栢豫章固將因筆墨以發其光

跋讀碑圖

智可以絕人而不見其智者謂之大智彼楊脩知此
乎嘆息而書其黃絹辭後併戒夫機鋒之凌人者

跋麋光祿世譜

麋氏世顯於宋自政和中至嘉熙金紫眩耀可謂榮
矣六傳而益貴獨惜讜言危論及於亮儒一蘇之於
程氏益有未之知也故嘉祐治平之間老成凋落之
後士子一言不合遂有蜀洛之分公至紹聖崇

寧開遂為君子之厄可不慎哉廩氏既為吳中故族
七世尚以廩吏稱而僕先曾大父與顏先生堯煥同
年之日蓋嘗述廩氏之出處所謂南山翁事實是也
跋司馬溫公於范忠宣手帖上書通鑑藁

司馬公通鑑編年一變班馬舊史之習而國家興衰
生民休戚善可為法惡可為戒者備此書矣故以事
繫月以月繫年而不以日或以年不以月者蓋週歲
之中記事之要摭為一編而君臣父子之是非得失
互見使人得便觀覽者春秋之義例焉此藁標題晉
永昌元年之事是年王敦還鎮元帝崩此江左立國
之一變也故公不得不手書之范忠宣與公繼居相

位今獲觀二公手筆於一紙豈勝幸哉

跋瀛海圖

渤海之東有岱輿圓嶠方壺瀛洲蓬萊五山其山不
峙帝命禺彊使巨鼈十五以負之而龍伯大人舉六
鼈於一釣於是岱輿圓嶠失負而沉故山海經止云
三山然世人莫得而至焉豈其山川遼絕風氣迥隔
而是山或海中之一國耶不然何以曰四海之外猶
齊州

跋鍾馗氏小妹圖

遊齋閑覽云宋皇祐中掘地得宋宗慤母墓誌刻石
讀其姓名鍾馗此鍾馗氏小妹之始見於簡錄也今

觀石恪所畫一年少婦人四女鬼相侵豈謂是耶其
行筆老勁傳色妍麗猶有唐人遺韻故可賞也

跋雲海圖

山澤通氣昇而為雲天一生水環而為海君子幸以致
其還如雲之卷舒無窮如海之融會貫通可也海虞
盛君以雲海自號勉為圖之且為之題云

跋王達善山水圖上

象外有象者人文也故河圖畫而乾坤位坎艮列而
山水出蒙以養正蓋作聖之功也故君子以果行育
德象山下出泉王君達善求乎作山川之象其突然
而高窪然而深者山川之勢也鬱然而青澹然而蒼

者山川之氣也其所以高深而青蒼者山川之理也惟理至微惟象至著僕既為作象矣不能喻之於理王君其必有自得焉

跋張南軒先生帖後

南軒先生平日以勝私窒欲為真積功夫此帖義仲權教授推予德華蔡陽闕為能明義利之分又復願其克此志以達於事業誠可為世教之良訓也

蘭亭敘跋

蘭紙蘭亭既入昭陵而歐虞褚薛馮趙諸葛之流摹本盛傳于世蓋如鈎響榻與真蹟不差毫厘而少韻度今觀此本風韻超邁非鈎非榻乃當時對臨真跡

其轉摺向背真褚河南筆意宜來南宮監賞為書家之墨寶也

跋馬遠畫瀟湘八景

瀟湘八景圖始自宋文臣宋迪南渡後諸名手更相彷彿此卷乃宋淳熙間院工馬遠所作觀其筆意清曠烟波浩渺使人有懷楚之思

松石林子贊

蒼松蟠蟠白石屹屹彼何人斯來盤來桓豈長沙之賈抑魯山之元歲月云邁道阻且難我思古人慨其永歎

跋徐孝子和傳後

孝乎徐氏子為人所難為刳兩股而瘳二親假手於人則不可也躬操刀則心忍焉為君臨陣身被數槍而人謂之忠者敵者傷之也忠孝一也或曰刳股而瘳親親存已亡孰能養之况臨忍之際未必能果其親可也於乎彼徐子者謂身存親亡昊天罔極故寧有親而不有身也以為必如是倣者有所為而為也

山水圖跋

四極八柱河圖所經三河九江大禹攸疏仁者樂山以靜而壽知者樂水以動而樂故君子以果行育德象山下出泉以返身脩德象山上有水以懲忿窒欲象山下有澤以虛受人象山上有澤書不盡言并著

象意

書黃竹村漫藁後

詩者志之所之也然非觸於情之所感不能見其志故嗟歎咏歌者由情感於物也是以比興生焉體制殊焉自三百篇以下變為騷而為李陵蘇武之五言由五言而加七言則音節不外是矣雖然體制有限而物情無窮六曰得天理民彝之正者為義豈徒月露風雲之辭而已今觀黃君對用漫藁真有終風騷之雅製者因書以歸之

強山人小像贊

若有人兮被羽衣蔭長松兮棲遲一琴一鶴兮蒼頭

有随揚揚乎自得表表乎丰姿蓋將從氣冕而習禮
儀子有美材兮不見知鉢心雅學子方有為躡青雲
以為期

題朱元暉集畫冊

畫者畫也畫者畫也自竒耦而成象在天為日月星
辰在地為山川草木古人識之於圖書所以備仰觀
俯察之驗其派為象形寫貌則六高人逸士之托興
爾若唐之王維鄭虔宋之燕肅李公麟輩皆以明經
博學之餘濡毫象物又豈茲函越罇之比耶

溥泉圖贊

維天至大惟聖則焉五德比象溥博淵泉周遍其積

靜深其源言則民信動為民先至聖之德如天如淵
至誠之道其淵其天欽哉古訓繪畫莫傳凡此後學
敢告勉旃

石岩叅政山水圖贊

周官六計廉善敬能考治居上臨民政成肅肅道公
直哉惟清謹持憲度百司是懲入贊大機式佐阿衡
千載丹青用垂令名

買道寧山水圖贊

易奇耦也禮敬也春秋王法也書訓誥也詩風化也
五經一理也六藝一教也道之寄也寧者安之謂也
乾行艮止岳峙川流尤為道寧之至善言不盡意記

之畫圖

題高孝敬尚書雲山圖

高侯以文章政事之餘作山水樹石落筆便見雲烟
蕭灑之象真所謂品格高而韻度出入意表者也

題王參政贈畫王俞伯澄序後

河圖象數人文一畫數以數生象以象物日月旌旗
山川鼎彝垂裳作服五彩彰施貴為尊礼列為民享
惠此後世以勸網常勗我伯澄肖形是圖陰理一
為形萬殊外形內性丹青豈撫進脩在學俾復厥初

題宋思陵書東坡二詩

右宋思陵書東坡先生人參地黃二詩筆意勁秀

鐘絲波法比楊后坤寧殿書則柔婉不侔矣書此以俟知者

跋大星記

至正四年秋進士普頒治安李一初丁誠之俱以去官自金陵同舟過丹陽道經竹篠鎮夜二鼓有暴客拿舟而來欲殺奪三君子之舟且行且避相持甚急呼兩岸居人不應呼鄰舟人不應乃籲天而俾僕夫持雲侮具俄頃有神光如大星降及蓬棹復翔而起照耀如白日於是暴客驚噪而退嗟夫其亦危矣當其呼兩岬呼鄰舟人不應赤子匍匐將入井之時也而岸人舟人獨無憫隱之心乎至此而神光獨下臨

又是天之陰陽下民而敷祐下民者未嘗斯須而不
在也而人心之天乃蔽於習俗之弊而忘其同類相
恤豈不為禮教之所闕歟若夫星官之三階九列太
微攝提之屬帝卯者百二十四可名者五百二十其
昇與降弗暇究矣姑書此以歎夫世道人心之不復
古焉

題成性齋

成性者天理本然之善也人生而與物接則情生焉
情生則欲隨而至物欲蔽則天理虧矣故君子必當
省察克治所以存其所存而復其天理之善也然易
曰成性存存道義之門孟子曰操則存舍則亡其以

是夫

跋黃子文詩卷後

自隸書編簡之製廢而筆毛書字尤便紀錄上而誥
命下而箋表章奏與夫紀言記事之史民風歌謠之
詞莫不皆藉模寫以傳於世其書法則自二篆變為
隸為今為楷為章草行書漢晉以下代不乏人然學
書者不得佳筆則必臨楷法墨打格而不勝虎林黃
子文擇兔製筆間嘗試之雖不如古人用筆意得失
齊圓捷之全然轉指向背八法具存亦足為賞音之
雅稱也因書以竭之

起鰲圖贊

淵波浩瀚山木騰騫春雷奮起頭角嶄然噓為祥風
吸為甘雨陽德正中施澤九土

跋明皇幸蜀圖

天下無事忠臣之言輕於鴻毛視大盜之如草芥及
踣亂階謀臣健將竭天下之力而不能救然後知非
言之輕聽之者輕也明皇之不聽張九齡而致祿山
禍者蓋輕聽也噫玄宗聰明之主也使重其聽乘輿
殆無西幸而斯圖或不見畫於後人也

祭文

祭呂梁洪文

維至治二年四月二十九日朱德潤再次呂梁謹以

壺酒醵肉敢告于洪之神曰昔在大禹奠民九州九
河既導為梁為舟曷斯弘洪斬然其石舟不並行百
夫屢力告尔河伯尔司厥中於皇天朝之土聿寧貢
賦万邦靡舟不經神之聽之石則在山艤石矣陰舟
載不艱醺酒有肉敢告河伯匪則我舟万民是福

祭太尉瀋王文

維泰定二年五月己酉朔越十五日癸亥門士某等
謹以元醴少牢饗盛庶品敬祭于推忠揆義協謀佐
運功臣開府儀同三司太尉上柱國駙馬都尉瀋王
之靈曰於乎惟靈帝甥帝壻貴崇世爵富有國位生
為功臣歿有廟祀英姿傑特出於人表忠烈義勇本

乎天性粵自祖神武皇帝經營四方赫赫皇皇中
土既平無遠弗屆無人不將于時先王挈國內附相
平遼荒爰降帝女式配于京萬生賢王克孝克勤至
元庚寅哈丹聚師塞於東疆王年十六寔奮厥武凌
險突圍來朝于廷請師靖亂克醜則平帝曰底績錫
第於都作藩于邦俾尚帝女世爵其降丁未之歲朔
贊仁宗定策即內殛除姦孽以扶武皇遂拜師傅增
封瀋陽仁宗嗣位念茲武功復加太尉顯顯令聞聿
昭先世三韓之民式乂式康貽厥孫子用保其疆惟
王之生蓋亦勤苦跋涉世涂東西北南靡所定必後
播西裔或顛其趾及來再期竟至於仆於乎哀哉初

以榮名如月必虧既讓爵位將順將適胡為纖戾竟
至於蹈天奪斯人俾貽後憂凡我門士如蹶如躓有
噓于懷有淚如洗茫茫逝川匪晝匪夜豈伊降神際
天惟嶽潔牲粢盛有醴粢鬱靈其來歆以慰懷德

祭呂仲山縣尉

於乎天理之冥冥吾不得而知天理之昭昭吾將以
為期謂仁者壽而善人是富則仲山何遽止於斯仲
山之生少也孤特長而聰敏粹然其安行不違乎繩
墨言則慎於樞機克孝而謹好學而思方一介之初
拜將奉親以為怡胡纖疾之弗起俾吾儕之見疑三
汰而慟搜酒明齋上為鄉里悼下以哭吾私於乎哀

我祭王对能祭政文

於乎王公名節始終濟時之材有德有言弗貳弗積
歷任牧伯民教而安緝之以威濟之以寬公之去官
民留攀轅曰帝有命我公是宣公即他郡誰撫我顛
顛公在憲庶哉暴姦既陟臺端靜默以治弗猛弗剛
式勸有位及贊省垣有餘賦府重役其民公曰民來
官賦有常既輸既貢奚其多章致辭告老方期永年
胡為緘疾永别下泉惟孝有子惟忠有世清白傳家
公逝弗死

祭鄭信卿左丞文

於乎維公偉器夙成清規自勉有文不燁素於為絢

當延祐之隆平藹燁聯之冠冕公日侍於紫檀屢承
恩於清宴當眷顧之優渥亦承機而投諫賜金盃之
錯落榮錦衣之煥爛方彤弓之錫慶俄鼎湖之號戀
既拜命而依省又司糾於風憲治不縣而吏戢賞不
濫而民勸嗟小子之辱識陪儒臣而進見公拭目以
憐材每當朝而興薦念江城之寥落颯悲風於原甸
聞公訃而躑躅嗟逝川之不返慟衷情之一哀愴臨
風而三奠

祭柯敬仲博士文

於乎敬仲止於斯耶謂義分難以固守而假之以權
吾不知莽莽者何利以及众姓謂智力可以必就而

濟之以寬吾不知蒼蒼者何明以鑒四方諒天道之
難謀識盈虧之有常或祈主僭爵位席寵或離疏釋
驕而享膏粱審用舍之有節知窮達之難量敬仲之
沒曷為使予悲傷當延祐之六楔予挾冊而觀光同
君游於京國咸弄翰而翱翔及至弘之末紀又同歸
乎江鄉嘗與咲譚今古狎弄杯觴米家畫舫柯氏松
蔭發緘題於十韻探古雅於奚囊予既晦於林泉君
竟躋於帝旁際天曆之景運侍清宴於奎章金馬石
渠圖書之府商彝周鼎宣室齋房念前席之方隆遽
烏蹄之遺良遂息駕於東吳迫終老乎耕桑俄而如
壙如櫛爰求千倉將經營其歲暮何一疾而弗康改

聊所於桑榆迫靈辰於大荒豈期變出意外事返康
莊得非義分有限而智力有竭遂補覓於幽堂於乎
罔冥為元吾聞於楊歲身於終吾聞於亢倉天迴地
游風高日涼靈有悠而謳有緋俎有肴而壺有漿慟
哀情於千古魂彷彿而來饗

至治元年夏舟過彭城有樹而丘者咸稱為亞
父塚因奠之酒而陳其辭曰

人臣享榮名於當世有微勞而功稱胡丈夫之執羈
紲終竭力而無成固天命之有在悔數目之弗聽苟
當時或悟於斯旨吾不知曷智其良平豈項氏之非
君抑丈夫之數奇夫豈不知言之不用後世謂事二

君者為何為故寧先地下而待項弗聊生而漢師慨
英靈其萬古茲傑士之所悲騁高原以悵望酒三酌
而風淒

代諸生祭陳寧極先生

於乎先生粹德之清吳邦之英學究邃古心傳至誠
講貫之切字畫之精三圖右誓至老益劬念昔豐凶
橫經座隅共盥正席先學之初洒掃振社先生之居
朝夕獲誨言論孔敷忽心猶痛作我範軌義為師生
情若父子先生既往我徒哀何尊筵在前有淚如洗
臨風三奠先生以起

祭亡弟方山處士

維至正四年歲在甲申十一月丁亥朔越十五日辛
丑長兄朱某等謹以清酌庶羞致祭于亡弟方山之
靈曰於乎昔我朱氏自淮祖江來寄於吳歷世有傳
克嗣儒業尔之早歲忽慕老子勉勉循循若儒家嗣
二師既往尔宜歸旋奚念舊德守廬弗廷遂罹禍橫
切于尔身疇昔之旦予亦語汝岩墻翻覆豈可容足
汝竟不悔遂罹顛踣今汝既往众人咨嗟众人伊何
我哀實多念昔垂髫同居膝下父母之心同氣均育
怡怡鵲原靡有抵牾貧賤憂戚保茲外禦方期白首
歡以為宴豈期永別將殯之夜汝言不忘今以少子
使嗣汝後春秋祭享永歆其祀尔靈在堂藏壙有時

仲月壬寅寔歲屆期舉尔靈柩往陽山西有肴在延
有酒在卮靈其來饗慰我幽思

壙祭文

於乎同氣之生一本三枝昔歲之夏既折其一今茲
冬辰尔又棄去四十八年生為吾弟詩書之澤尤藉
雋永豈期永別於乎蒼天誰無兄弟如是如手足恭
之義怡怡之情念茲痛割有淚如傾尔靈既來尔柩
在壙酒肴具陳祭奠有助考妣在山嗣續在下鬱鬱
佳城西南其户尔其安之以永斯墓於乎哀哉

重建天王堂疏

天王堂居子城西北六百餘年勾吳地為甲郡東

十萬戶人往來瞻仰遠近咨嗟謂古跡雖存但石人
垣壞地待新功重建須還列棟飛甍要齊金甲琉璃
必藉青蚨用度敢求众力同結勝緣願袖靈陰相一
方祝天子聖躬萬壽

河西僧惠廣住觀音庵疏

觀音庵在府治之北垣慈悲顯相舍利子來國都之
西夏歡喜住持豈曰雞園聊資土苑然菩薩之晨香
夕火燄燄蒲之朝蘂暮塩仰扣檀那同結因果况竭
地開捷推跡實望信人了粥飯緣共成勝事
馬清風道人結屋疏

蓬萊別館創業猶駐景之難鈇永丹炉修道必避喧
之所青山雲水此地吾家石洞烟霞當時舊隱然則
荒臺壞址豈可容身要看植柱構梁便須着力幻出
一時佳境永傳萬古清風願施士相與樂成使道人
恬然穩住今日值泉為寶地共結勝緣它年凡礫是
黃金同歸大道

請諸儒文會啓

茲以勾吳江左之甲郡古有三讓之遺風曲禮天下
之一經時書六行以比德官師雖具以大典鄉人合
講真常儀郁郁乎三代之文寔為有叙濟濟乎二域
豈曰無人式厚士風請敦文會蓋聞朝以爵貴鄉以

齒先非高年無以達尊非厚德無以服众非禮酒無
以致敬非具膳無以合歡宜就月初請從众紿尊卑
禮讓長幼叙陳有小善則相勉其行有微過則众正
其失諱經論史庶流千載之淳風酌酒賦詩聊舉一
時之盛事願聞礼式用列會儀

謝元顏子忠御史薦啓

某啓竊以迂選在省部式嘗用於賢材薦章出憲臺
爰下錄於賤士過蒙褒獎益重兢拳切念某學本荒
疎材非器使自結髮受在三之教惟孝惟忠至成人
知無二之誠采學采魯終年采藁粗知往史之評積
力簡編莫究全經之旨年踰五十竊位儒臺學慚四

科叨舉文翰自惟滿溢敢望遷陞再厘獎裁抑深僥
倖此蓋 子忠御史相公以人倫為重以儒道為
宗推賢尚能錄不遺於小善拔茅連茹素嘗忘其鄙
愚而其分已過隆材莫克用蒲柳之質難期老成驚
塞之材終慚遠到辱揄揚而增愧思補報之無方趙
武子薦士六十人咸登庸於朝野崔祐甫除吏八百
數尚冀屬於銓衡謹奉啓以謝伏惟台詳俯賜鑒念
不宣

寄王君實侍御書

德潤睽遠半度將二十載遐想昔者陪言論於座末
每辱溫存論以世故迨今思之感激無已德潤自揆

迂野之質非適時用遂甘分草野然每北望引領時
有不能釋然於懷者思公文章器業清識雅望與年
俱長而僕嘗荷堂下之知歲籥雖積能忘情乎德潤
庸陋未學素無兰道南端以來饘粥之暇猶能勉強
先儒已剳之經史已詳之典札下追遺文小錄亦不
敢不究心然赫蹄之書非可以發揮盛旦之光華者
比蒙以纂脩史事見招然固思之京國人士所集其
礎網舉要左右之士趨承教習其必有麟經筆削之
旨集遷固所長之論紀三辰五星之變見志方嶽土
守之沿革以成一代之盛典者矣又奚待未學然後
備使令哉時康得遯草野之素志萬幸萬幸嚮仰之

私臨風悵然伏冀以道自重即膺台鼎之寄不宣

寄克莊侍郎幹公

德潤去夏初在湖山拜別燕鴻南北倏焉隔歲星環
北拱無遠不然與仲德慕義於千里之外者同尔茲
者朝野晏清纂脩史事儒家戴白之老咸所望也摠
裁願指辭筆一王之法必有攸當歆羨歆羨昔者歐
陽氏謂五代以還主盟中夏者雖不一姓而建國紀
年則有殊例國臣雜傳則有殊例三辰五紀則各因
其分野職方地圖則各因其疆域然而得失不常事
亦隨變筆削之士承教於左右者必有博聞遠識以
成一代之盛典矣區區淺陋奚敢重辱薦言人便得

寄示脫簑之萬一以祛惡感尤見不棄德潤固守
貧賤久無他望得賜遂志草野萬萬幸幸道尚書
公蕭幹自持始終一節且不鄙貧賤故敢附字上達
臨風慨然尚惟矜察綢繆之暇伏冀為國為民自愛
以膺鼎渥不宣

寄邵菴虞先生

某睽違嚴範將二十載思在京邑日從游於左右飽
誨益而熟川飮星霜屢移如隔世然嚮仰之私當如
何哉去歲楚石琛上人來吳且審體况康勝為慰某
區區持守如昨自還家前數年間適罹七喪憂虞備
歷遂使素志俱違無復曩時過後之意某亦自知非

適時用惟杜門強學凡出處窮達一聽於天而已將
復何為茲因張從道經歷為其先大夫乞銘於文衡
故特奉狀以訶台候從道昆季久寓吳下清貧晏然
而奔走敬慕於門下之心久矣况其先大夫歷仕南
北俱稱清白誠可稱鴻筆之標題者故敢僭干楮墨
若其潛德之羨著於文章則與石不朽無餘遠未涯
矣晤伏冀順適以膺耆福不宣

上王伯洪中丞書

某嘗讀蘇老泉上歐陽公書怪昔之賢者飢寒困窮
乏不勝以彌於人蓋謂唐韓昌黎也夫韓公豈好彌
於人者必有自矣愚聞古聖賢之所以立天下也自

正心脩身而至於治家國。曰誠而已矣。曰教曰政。所以明綱常之要者。亦無非任賢而已。傳曰湯執中。立賢無方。詩曰桓桓武王。保有厥士。于以四方。以上世明良之會。不過如此。而天下治。惜哉。自秦壞先王之法。上之人養士之礼廢。下之人奉公之道殊。農工賈不能盡其業。以供於官士。不能盡其道。以事其上。或以術教。或以幾辨異端。紛紛之說。以干時君。而士之業卑矣。雖董仲舒賈誼之賢。亦上書闕廷。愈進愈退。唐人上書詣朝堂。詣宰相。時長史司馬以下將相得以自辟除。而祿足以仁其家。韓公負大賢之材。而當世無以仁其家者。誠不免飢寒困窮之號。由是所

觀上世任賢之道豈非時降而使然耶蘇老泉當承
平之日有山田百畝非凶歲可以無飢此古所謂獨
善其身也豈蘇公之願耶愚竊謂今之書生有山田
百畝可得安耕而無飢乎則其踰又有甚於曩時者
矣士君子立身行道揚名後世蓋亦難矣推其本源
誠信不立也先儒謂惟後漢清議為義然每觀李膺
范滂以名流相高顯然將別白是非而黨錮一興貽
笑後世蓋當時諸君子知名教可貴而不知名教可
重也知名教可貴而駭別流等不知重名教而與賢
材賢材興則流等知所慕矣又何是特別白之能聞
哉切惟閣下負道德之聲名當權衡之要道能監於

世之得失審時事之興滯開誠布公舉賢任能不避
小嫌不辭難事施之今日垂之後世此一時之機也
故試論韓公蘇子之出處以及乎上世誠身而天下
治者惟閣下其察焉

上山堂院使

某奉違鈞範又逾歲篇北嚮馳情曷有弛日去冬聞
除書到江浙有宣政之首命某將謂克日可拜塵從
嘗屢候江濱竟無來節廼知別有榮擢又不得接晤
語心旌搖搖愈深思仰春暄想惟鈞侯動履介福某
杜門讀書無足云者南俗日薄惟自謹慎不伯帖木
經歷去時已嘗奉書於左右想達鈞聽茲因尚書相

公赴京之任便中略此奉狀尚書仕浙廉幹之績始終若一又且不棄儒賤故得附羽言達鈞聽公暇想為國為民自愛言不盡意伏冀鈞啓不宣

存復齋文集卷之八

元征東儒學提舉朱德潤澤民著

曾孫夏重編

賜進士湖廣按察使東吳項璫彥輝校正

詩

錢塘江樓晚眺

烟光凝遠墅
雁影遡還潮
今古凭闌意
夕陽紅未消

陳留二首

濟河通改水
遠樹逼陳畝
將相布衣極
何須萬戶侯
古木撐頽岬
奔流出遠灘
廟謀開國後
平易近民難
邂逅

邂逅得傾蓋江邊逢故人班荆無別話長記曲江春

雙松

雙松倚蒼石風雨太山阿忽化蒼龍去參天節槩多

黃子文製筆

山人縛兔群曉踏南山雲兔置不脫穎製作中書君

晚春即事

柳絮覺春歸輕盈著處飛東風好收拾莫遣墜征衣

又

誰道林鶯老金衣薄更新春來復春去老却看鶯入

又

春睡倦不醒午鷄聲喚四百年心上事幾欲夢中來

又

柳絲綠十丈蘸水綠條鮮何事江邊客相過不繫船

又

春情掠客情離思每相縈春去九坡外客行多少程
賡龔子敬先生十清詩

無弦琴

虞舜配五行文武加七弦作樂苟非聖一絃不敢懸
碑石硯

落星一誤化突兀書窓前玄雲和墨汁窄我筆如椽

菰蔞盤

聖賢訓萬世黎蒸猶不捨彼珍一食萬錢安知蔬味淡

竹几書

質簾破新管簡策勞前功何似憑青几箋詩論國風

薤露冰

杆凍雖受辛和羹非灌畦醉中噉寒玉未敢論醢鷄

磁甌粥

學苦甘食淡不學

鼎食有餘憾

魚油燈

鮮以充口腹脂以然膏油坦心輝對黃卷終焉弗吞舟

楫杻火

手斲茯苓根煉藥候丹光一作爐夜向子一氣回春陽

茅屋霜

十月寒氣肅編茅補陰漏青女莫散威初陽在林岫

柴門月

團團荆扉月影轉如縷金夜深啟門坐清光滿長林
團扇古木自題

紈扇何皎潔團團無纖翳聊揮古木枝換却月中桂
秋林平遠扇圖

碧樹遠林杪西山爽氣浮微官抑何絆不及謝公遊
泊梁溪

輕篙掛簑笠野岸泊扁舟醉裏不成睡一天風雨秋
漁釣

林陰多宿雨藻密聚寒魚野客忘漁釣停橈晝讀書

十四日泊安陵

廣川六百里驛道上皇州紫極星辰近黃河日夜流
村明深夕火灘泊過年舟明發乘車去逢人說浪遊
題撫琴士女

纖纖柔荑手為君理素琴閒作求凰操早歲得知音
婉容更清歌願結百年心含情語夫子莫待白頭吟
誦書

笄年受傳訓朝夕誦母儀進御鏘鳴玉婉順禮無違
雞鳴思勸戒衿纓備行辭千金聘窈窕今古有班姬
倦織

處女顏如花懷春出庭戶明粧落飛鳥纖腰如束素

重城歡未合蛾眉空惹妬織成回文詩紗窗倦機杼

佩巾

妾聞古貞女委身期百年白璧雖重寶凜焉弗移天
秋風日夕至班扇能久持安得巾箱寵貯妾黃金闥
和蘇子敬先生遊春韻

烹泉熱旨酒坐石得嘉賓好鳥時鳴晝幽花不放春
山遺今古事詩著往來人楚地對英天子諸生莫問津

泊淮陰

淮泗分南北西源接漢陽離離雲樹晚索索水風涼
兩晉誰真相三齊誤假王虛名足自感臨素寫秋塘

遊吳江懷陸子順

昔同書畫舫山水弄清暉共泛澄江曲相携薜蘿歸
壺觴隨處樂鴈鳥狎人飛黃鵠乘仙去青冥振羽衣

送岑罕同知之南雄

秋風吹宕谷客子將何之下有虎豹林上有猿猴枝
懷器報明主不畏路險巖只愁羊腸曲世道不可夷

送吳思可平章朝京

徵車出鳳池几杖賜扶持朝野太平日功名全盛時
掖垣資議論樞府藉綱維國本宜端固高山起未遲

贈黃竹村老儒畫梅竹

烟水盱江渺丹陽度雪寒久憐梅淡泊先問竹平安
夜月清詩思春風彩筆端北來知己少歲暮欲彈冠

送周元礼任福州蒙古興正

九譯同文日三山貳教初且陳平塞策莫講訓蒙書
海近聞音雜雲蒸雁字疎嶺梅官路柳惜別意何如

題唐明皇幸驪山圖

驪山西北高萬乘東南至霓旌蒼翠中閣道丹青裏
憶昔上林遊春寒多垂轡羯鼓日天奴黃門催力士
霓裳曲未終驚動漁陽騎

對月

雲間一片月照我被素襟為持一樽酒聊成對月吟
月雖不解飲我果意自深喬松引長風吹作絲篴音
瑤光映几席六合清沉沉情舒物理暢萬古同茲心

讀書

憶初垂髫時讀書義微茫豈知禮法貴衣冠自虞唐
歲月忽云邁壯年無寸長幸逢堯舜君謳歌樂時康
窮達固有命為學當自強

山水圖詩呈解之昂御史

山川結靈根厚地垂陰竅神功自模範嶼岵起双嶠
層巒倚天開仰睇絕飛鳥嵐光變氣候草木通深窈
東山吾舊游紉素記行臺平生江壑情藉此寫懷抱
荆關竟已矣所吮豈真好會當攜丹梯共登天門道

立春

條風盛衆物初日映千山夜半天杳轉春從地底還

馭仄飛王律彩勝簇銀幡南極農祥正東郊牧政頒
土牛迎歲仗門貼寫爛斑和氣存吾道人情屬大官
每看時序屆更覺世情艱莫惜杯中物歡酬一解顏

次方斜淵先生自趙屯歸城中韻

晨發趙屯路郊務曷勝紀扁舟轉重灘棹激浪還記
村深鷄競鳴時見出農耜楓林宿靄收茅屋炊烟起
依稀遠江湖漸覺近城市蓬人問歸程舟子行且喜
宿雨起新漲蕪葭沒秋水思倦名利除醒心甘洗耳
先生棄儒冠高蹈出鄉里優游吳楚間生事并硤裏
壯年厭世紛歲莫少知己欲拂珊瑚竿東溟釣青鯉
學仙終難期世事那有已得錢聊問道垂老無妻子

故人懷千金豈念固窮士

二月廿日夜夢侍先妣

仲春忽已屆暖氣鬱書房良宵獨無寐思親情懷傷
夢寐見我母被服羅衣裳手憑古書按囑以養親方
無我如生日又如久別離一慟忽驚覺涕淚縱橫揮
恨無返靈術聊慰九原思九原不可作逝者長如斯

又

人生天地間生死何茫茫死者不可返生者徒悲傷
朝菌與夕蟪秋實與春芳轉世如夢寐合此理固常
願求長生訣採藥尋仙侶恐此復空言修煉抑何補
我生初無有此道不可語悲歎隨情逐懷親

伯勞捕雀詩寓太湖張君用林亭賦所見

長林松蘿交衆鳥鳴未息伯勞飛轉低健翮掠寒棘
微生亦茲險毛羽空顏色蒼雀不驚猜飲啄共林隈
風輕暮人靜逼雀下蒿萊側身奮一攫嗜血向寒灰
嗟尔百勞鳥蜜口懷劒腹尔不鷹其毛食彼同類肉
我曾良君子勿蹈險人屋請作伯勞詩聊以敦薄俗

送馮海粟待制入京

人生百年間會面能幾何昔年送公去冰雪滿長河今
年送公去堤柳青婆娑春塘漾輕舸曉日生微波
柔櫓數聲動遊子行不歌夢隨征帆去思逐春流多
落花粘空樽錯落金叵羅聚散未足道且使朱顏駐

又

大鵬峯千里四海為盤渦六翮振天表天門高嵯峨
安得上天去為公駐義和請照孤心丹未管雙鸞鑪
众子不解此徒以測海蠡我想古先哲言論耿不磨
物論自紛雜天理終無它何當附長揖相與扣絃歌

寓武林聞失火

九月五日夜抱衾方熟眠半夜聞傳呼巡官敲玉鞭
連街報遺火援救喧爭先老兵起驚訝烟焰上逼天
小桶灌滴水巨索相鈎連健兒走掠奪貧富分目前
孰云可撲滅况非燎於原錢塘輻輳地居處層樓巖
板墻不隔尺萬家手可傳一遭天祿災樂歲如凶年

明朝出閭巷行聽老翁言火患尚可延輪官憂酒錢

延祐六年九月廿二日渡揚子江

驅車丹陽麓津吏叱晚渡擊鼓動連艘揖急浪花舞
水深蛟龍蟄日落鷗鳥度金山山畔樓雙塔逾青樹
黃金鑄古像歲月逐江流誰云限南北停橈歌壯遊

別後懷權贊善李仲思二宰

采采凌冬花夾道多荆管驅車蹈前轍我襟衣裳單
良集既已定敢辭行路難懷人在東南歲晏路曷曷
軒車來何晚凝睇登巔屹蒼天雖咫尺安得生羽翰
幽居竟晨莫旅食惟加飧衣寒飄風新水涸零露溥
相思不得寐起舞影踈踈天垂四野靜落月金團團

次韻陸友仁寫二首

鐘聲警晨思枕底宿夢醒
鹽齏出庭戶乔木高亭亭
細雨綠漸暗清颺滿中庭
朱絃作還轍雅音誰我所
安得附黃鵠携子凌蒼冥
康莊醲糟粕众子醉未醒
道義混薄俗荆榛繞閑亭
不見仲山甫夙夜憂王庭
不見桓桓夏歌筆良可聽
古人不可見默坐心冥冥

和虞先生榆林中秋對月

開前節候早秋半
龜衣出牛羊散原隰漸告農務畢
山空众木下棲鳥靜喧唧
日昏在牽牛魄月如晝白
茫茫覘六合况敢事一室
仰觀浮雲變清輝易升沒

執筆登前涂
待馬俟明發

月高星歲光天靜
四山出炊烟飲林野
群作向昏畢
物情殊無干浮生
自嗷唧征涂行復止
鏡髮玄又白
人生身抱器志老
劍在室百年生誰存
一士死不沒
兢兢棲霜輪幽花
當春發

大長公主府羣花屏詩

夾城遺芳莢搖落及千年
芙蓉發靚粧絕艷秋江邊
曉風拂羅幃紅裳擁三千
素抱拒霜質亭亭赤城仙
曾携一枝去生綃記餘妍
夫蓉

四時各代謝茲花連月開
微香挹晨露柔條遶春雷
密葉蔽深紅蜀錦裁成難
妖柔垂無力倚架或徘徊

剪代去葉棘孤根當檻栽

月季

葵承承朝露檀心獨傾陽小葉護根蒂豐幹發春場
飄如嵩山人被服黃羅裳芬芳隨炎飈院宇日正長
及茲後衰態桂接秋風涼

黃葵

物性惡繁夥冶花非美姿長藤纏高架小棘結叢低
可愛不可親蜂螫詎能依諸侯悞燧燧衰如傾周基
既綠紅豈眼何用刺牽衣

薔薇

南山發新荅吐萼淒猩紅滑葉硬有稜密蒂連芳葉
層層初日下皎皎陰崖中古澗瀉幽碧疎林種松風
長齋肅肅微君錦衣何彼纓

山茶

秋高銀河瀉碧玉淨如洗飛仙自天來幻作白茶蕊

清香不自媚，迥出山谷底。盈盈双玉環，婉立庭戶裏。
風霜非故林，雨露結新意。

白茶

神人鍾離權，煉魄棲瑤城。偶逢呂岩子，九轉丹功成。
為結八仙侶，駕海渡銀潢。羽衣既綿邈，素魄有餘馨。
留貯玉皇案，凡花不敢呈。

仙

炎僞轉庭廡，梁燕引新雛。綵錦布成陣，紅葵舒錦襦。
頃陽見中心，開花當半株。孤根發萬幹，節序同榮枯。
彼陌上桑，永為秦羅敷。

蜀葵

鶴啼穀雨歇，翠綺織成林。清香吹簾幙，古佛布梵香。
天女散簷蔔，醴醖薰人心。歲蕤妥玉蕊，錯落如真琛。
坐看清霜落，實結千黃金。

梔子

天香熏衣裳國色醉沆瀣魁為花中王
麗出塵世界京華競豪賞綉幙護春暉
金瓶換新汲一朵貴無價
謫仙清平調彩筆入圖畫

牡丹

雨餘鳴蜩歇
綠鬱陰翳綃囊
藏紅巾光焰當林
巖映日萼先綴
臨風葉如綴
秋深薦紅實
顆裂排皓齒
祇應乘槎客
天上得先味

石榴

退官陶靖節
送酒白衣來
黃花厭土色
化為清白哉
寒香當獨酌
晚節共徘徊
籬邊無俗客
壺下有餘醅
九月百年醉
一生能幾回

白菊

次韻貢仲章學士題仙山圖

浮生三十餘
矢志墮塵鞅
南吳與北燕
所歷如翻掌

山中猿鶴期別路成榛莽瑤草霜未凋靈芝日應長
久聞東王公御氣九霄上縹緲星霞裾虛室絕華想
欲後道無因寫此寄清曠

寫懷次契伯京提舉韻

四時更代謝人事增束約百卉春已榮嚴霜秋復作
孤身處世間元氣鼓一稊心行既不悖俛仰終何忤
凭高獨回首緱雲度寥廓

門前官何水凍解春流急河派無停時客行亦汲汲
物役豈有程人情自相及請觀醉人歌感憶醒時泣
何時心無榮靜看山雲入

古意

無益生齊求短髮浚双曰有容不諂飾有志不輕就
終日在閨閨麻系不統繡一朝黃金聘去作齊王后
自謂出世材寧知天下醜黃金豈不貴更問齊王意
聘德不聘容王心月同義恩禮雖云厚或恐中道棄
苟無双翠車寧死不求配

又

莫學秦羅敷悲歌陌上桑懷春奔士誘年壯已空房
莫學霍在里妻治容當春愁良人遠行邁徒聞怨筵候
孟光起不顧舉校孰肩齊妾請自求配願作梁鴻妻
古人重內則自求恐非禮匪斧難伐柯妾心不得已
蕩子恐薄倖貴人或多忘願因良媒結請實白璧双

十二月臘日雪

雲寒氣高浮，衾暖睡正熟。兒童報雪飛，咲我起不速。
欣躍不懼寒，中庭就盈掬。對此乃自咲，重裘肌生粟。
隨風正飄飄，無声篩塵玉。勿為一冷憚，已欣田家卜。
須臾氣轉和，化作雨声續。雨声亦消歇，晴光在佳木。
天意竟周旋，下有貧民屋。

石民瞻山圖

女媧鍊五色，大堊補不牢。至今西天首，天近山常高。
差我蒼雲表，百鳥不敢巢。仙人十二樓，城闕金宮堯。
下連丹砂井，皓氣冲寂寥。似聞笙竽韻，有客醉仙桃。
採芝者誰子，霞冠赤霜袍。手持長年書，邀我同遊遨。

我今胡不樂夫志在蓬蒿思仙不得去作圖謝塵囂
終當訪王子跡鳳騰九霄

遊西山作

宛平佳山水厯厯蟠心胸偶登群峰頂下瞰青蓮宮
長松騰翠蛟古磴垂虹雲開扶輿氣翕忽如仙蹤
我來方醉後遊覽徹九重長嘯出林杪振袂揚天風
顧同安期生携手凌昊窮

泛太湖訪友

扁舟去何所渺渺太湖陰依依桑梓村拍拍枕寒淪
飛雲入遐睇鳥道橫蒼苔篙師戒勿渡柔櫓力不任
我身雖骨立志氣猶壯心放船當中流浩歌激清音

何事欲言錦年作嶼嶺吟

李玄真築石圖

海濱八月氣已肅疎林落葉下喬木
新涼起高節歲晏潔如玉及茲霜散繁
谷片在空谷會今世天闢偉耀驚世目

馬張嘯齋承旨作仙山晚渡

十月之交朔風其飄我來自南于以遊遨
清霜著喬鈴落葉洒江皋野橋驚曙杳
蒼石落寒潮客子莫憺然臨躡上輕舸
澄江靜可渡不憚前山遙聞有列仙
人誘至遺丹膏藥音錄寄冥素鶴可相
招嶽尋長生道白日登雲霄

挽王立章

喬喬王松軒矯矯野鶴姿
白眈眈世交勁氣不冒卑
平生博物志矧列古鼎彛
左右紉圖書及死乃獨歸
人生真如寄蓬露誠易稀
所貴在名節不與身同陳
尊酒醉清魂我曹且勿悲
川流豈可挽逝若長如斯

題拙作小圖

碧山高陰溽老樹立寒元
嵐光凝曉鏡寒水蒼苔密
空谷有佳人胡寧欲行役
濯纓池層品欄楯出虛迴
微微宿露滴幽林蒼林靜
客子更何之扶筇躡雲煙

題金奉禮所藏浮玉峯

玉京在天上城闕如銀山大璞不忍鑿流落於人間
白帝山下令豈敢泥一班曾分扶輿氣下照百鬼森
中堂晝寤寤庭戶生芝蘭瞻此英潤婆娑如曉塵寰
走也山澤癯姑焉集衣冠他年學飛仙結此大寶丹
得家書

卿閔隔万里執策遶海東山川何處廓草木滅霜風
中原有兄弟貽我書數封離別皆不道努力強吾宗
回視親舍下白雲正重重

壽安山呈拜相

嶽宗鎮下土降神生賢輔巍巍千尋高偉作天一柱
觸石起浮雲濟民灑甘雨木茂鳥翔德澤深魚定聚

佳氛凝四時勝境環百歲行樂雖已众隙延厯可數
仲尼登東山諸葛吟梁父人生馳隙耳忠孝事明主
曷以寫勲名丹青耀千古

為儀鳳山作

物靈不自顯鳳子在山楸文章日益著律呂音和求
山川何處堯搖落閑何秋征鴈度空碧烏鳥滿林丘
仲尼久已往郊藝誰能留行看太平日君臣協成周
瑞世當一見孤鳴揚九州

為八扎御史作山水圖

山隈松蘿交雨歇石燕舞客子重負戴攀石行樞侶
山高松蘿交雨歇石燕舞客子重負戴攀石行樞侶

臨溪兩三士退食來溪渡看雲忘心期恍若坐天姥
明朝棄丹青我亦上天去

又

女媧眩五色天鐔有誰補星辰西北轉泰華立山柱
浮雲化甘澤衆物各成務土厚草木蕃水落民居聚
秋深關塞涼五穀有實吐刈我山下田何妨老農圃
黑谷東路山

高崗盤崔嵬白石落絕壑鳴泉咽古竇岩麓淨如削
緬想融化初元氣下磅礴山靈托奇範株脉下連絡
大峰齊雲霄群嶠入雲脚朱闌圍碧凡隱見仙人宅
良境不可負行將理芒屨

臨清渡呈馬伯庸學士

山迴岡巒低春色過林莽涂行者誰子負笈臨清渡
草長歧路曷荒榛夾長楚遠遊將何之云尋孔文舉
得非一鶚薦辱校漁陽鼓音晉祁大夫公明耀今古
為君用午狐親辭不猜阻黜陟在賢愚恩怨那足數
此道久寂寥千載誰踵武

山阿

微雲拂林表日色在山阿中有求聘姿請為懷春歌商
於老不起漢嗣將如何說築傅巖像那知非夢訛
由來出處難貴在名不磨絜白事王室磊落無纖疵
尚愧斗筭人持以測海蠡留侯婦子魏太史疑匪他

明哲既保身大節鑄嵯峨

葺先人舊廬

先人昔處世行義如魯黔衰年當薄俗歷此憂患深
數廬隔風雨高歌忘古今蔬食樂晨夕得暇良盍簪
牀頭置周易牖下藝苔侵臨文析疑義言論人所欽
皇天不少假悲風起長林

窮棲豈擇木高材羨鶯遷初無榮名慕偶迹世界牽
蓬蒿遠屋後爲雀羅庭前呼童置糗餼磁器聊具完
清風中簾櫳白日照前軒固窮難屈節守道樂自然
好惡自譽毀敬止終無愆

和柯敬仲博士幽蘭詩

陽春過岩谷荷蘭發初芳幽姿不自媚隨風忽飄香
寧辭雨露恩感此歲月長願隨郎官握得上中書堂
不慚山澤姿高貴比金張靈芝在宣室豈獨懷沅湘

又

孤根托山阿奕葉留清芳春花競紅紫未敢並幽香
攀緣上喬木不及絲蔓長願結君子心永焉貯高堂
締彼金石交辭君羅綺張雅道出巖谷良時非楚湘
題巖詩贈僧了覺

古初鴻鴻濛群物本無象神鰲立四極岩穴倚山障
陰晦宣靈澤冥深注泉泱人非金石堅幻化那有相
名號偶相因又作空花妄聊寫謬誤詩山僧無別想

送諸葛子熙還江西

晨起出林薄，上有反哺鳥。鳥飛低復止，啄食當庭除。
返哺豈不艱，念昔為童稚。三年免懷抱，膝下縫羅襦。
飄飄諸葛子，來自長安都。手打漢唐刻，賣錢供母需。
未足盡甘旨，家貧聊待餽。母恩情何切，兒行猶在涂。
一朝萱堂慶，三月煩倚廬。我少失父母，念此泪沾裾。
君歸重回首，白雲滿山隅。

寫懷

江鄉五月雨，塵氣方鬱隆。軒窓面南開，滿洒吾廬中。
有志樂經史，無心較窮通。唯彼名利涂，交攻不相容。
家給知禮義，非謂食萬鍾。薄宦識衣冠，非待祿位崇。

南俗尚富貴此道非華風君看物候變歲晏惟青松

感古

神聖古立極百王紹其傳天理自開朗人文互相宣
禮樂明教化淳風泝其源方言雖異聽南北同一天
親者固當厚賢者義所先麟鳳在郊藪草木增鮮妍
春花與秋實代謝何相延俯仰即今古神仙詎長年

和楊廉夫縣尹遊山詩韻

青山倚天高巖谷入晦冥虎豹踞九關無繇閉岩扃
企想賢哲士寥落如晨星寒風從鳥翻暑雨吹魚腥
竹枝變韶舞羯鼓如雷霆黃流渾渾源浮塵滓滄溟
鳳去幾千載蒼梧山更青

三愛詩

吾愛房與杜秉國之綱維
吾愛元魯山水壁每自持
吾愛李謫仙豈特文與詩
不奉宮內寵不受金閨羈
眼底汾陽王所繫唐安危
英材濟當世萬古聲光輝
古人不可見默坐勞神思

題王太令書畫圖

曠哉王太令翰墨世無雙
不通羊島程忘年交小郎
小郎不知客高居卧齋房
客來亦不問徑進登欣林
高張白練裙落筆蛟龍驤
情真識趣妙技癢知藝長
字絕勝黃絹機心詎能忘
高風邈千載圖畫久傳芳
寒食日借俞元明過城西
劉月心家

出郭有佳興相携過驛亭風烟多物色花柳半郊坰
廬井如碁布山溪列畫屏麥畦高下綠竹樹淺深青
訪隱喜人靜叩扉聞篆磬相看青眼瘦深歎白雲扃
矮屋依荒塹橫窓瞰小江兒童欣有客几席布中庭
握手論高致談玄試靜聽情真不紉礼坐久即忘形
繞圃栽蔬菊山肴薦濁醪興懷成僛仰感舊歎飄零
笑語播凡俗真誠見典刑獨慙歌叩角誰與附脩齡
倚石和衣冷臨流醉眼醒重來恐寥落揖別更丁寧
雨中奉寄張清夫提學四十韻

蚤識文章貴謀生世業儒三年不志穀四海獨耽曉
江左風流在中原道義俱逸人居草廬多士藹清節

寡合誠非介長吟祗自娛畫師丹矐古墨客紙田粗
學苦人難識名高執轉疎昂昂悲野鶴縮縮信韓駒
曾見鳥為鳳能飛鼠化鴛忘年惟阮籍遠況似陶朱
自許謫霄義潛名哂范昨孤舟同漾慶五紽定交書
向誰期松栢庸材愧櫟樗庭中聞鸞鶴原上得鸛鷀
小窗竹公座寒塘沈氏居山空北海宇林迥郭熙圖
酒逾淡言高聽每孤俄承憐短褐勉使曳長裾
負初備仙塔事忽諸關門虛象魏尺紙喚鴻臚
有焦黃鹿閑思洞腋烏空勞密啓薦猶作伐山愚
慙悼天無色飄零地一隅鼎湖攀不及薊關意何殊
歸路索乾左幽情楚句餘初經寶應縣再過晉公府俛

仰英雄淚歡招慷慨徒大江流日月孤梗汎萍蕪
冷饒遠避舟行海若驅丹心如可鑑黑首便當途
只謂三公府何曾駟馬車終憐市有虎豈為食無魚
志大情難偶徒行跡未汙于今歌雅道自古有康衢
至治符三代淳風播九區士當隨義起貧不為囊虛
磊落心仍壯遲遲行且舒乍從王太傅壯效漢相如
黃綃辭還好丹雞誓莫辜尺牘煩詞候風雨飽蕪飭